

Մերձավոր և Միջին Արևելքի երկրներ և ժողովուրդներ (XXI)։ Երևան, «Զանգակ-97» հրատ., 2002, 408 էջ։

Ողջունելի և նախանձախնդիր հետևողականությամբ ՀՀ ԳԱԱ արևելագիտության ինստիտուտը լույս ընծայեց վերոնշյալ մատենաշարի հերթական XXI գիրքը, որի հեղինակային կազմում ընդգրկված են Հայ արևելագետների տարբեր սերունդներին պատկանող շուրջ երեք տասնյակ հեղինակներ։ Թեմատիկ և ժամանակագրական ընդգրկման առումով նույնպես ներշնչող է քննարկվող հատորը, առավել ևս, որ պատկառելի թիվ են կազմում արդիական մեծ հնչողություն ունեցող հոդվածները։

Ճակատագրի և պատմական հանգամանքի բերումով մեզ առաջին հերթին հետաքրքրում են, հարկավ, Թուրքիային և քրդական ազգային-ազատագրական շարժմանը վերաբերող հոդվածները, որոնք զգալի թիվ են կազմում և լայն ընդգրկում ունեն։

Միջազգային հարաբերությունների տեսության տեսանկյունից հատուկ հետաքրքրություն է ներկայացնում Ռ. Սաֆրաստյանի «Հայ-թուրքական հարաբերությունների ուսումնասիրության նշանակությունը միջազգային հարաբերությունների ժամանակակից տեսության համար, նախնական դիտարկումներ» հոդվածը, որում փորձ է արվում դիտարկել առկա Հայ-թուրքական հարաբերությունները վերը նշված տեսանկյունից։ Հեղինակը շեշտը դնում է այն բնորոշ առանձնահատկությունների վրա, որոնք հատկանշում են այդ հարաբերությունները։ Ամենակարևոր առանձնահատկությունը հեղինակը, ամենայն իրավամբ, համարում է Թուրքիայի հրաժարումը դիվանագիտական հարաբերություններ հաստատել ՀՀ հետ, այն էլ այն դեպքում, երբ ճանաչել է վերջինիս իբրև անկախ և ինքնիշխան պետություն։ Հեղինակը ուշադրություն է հրավիրում մի կարևոր հարցի վրա, որը կարող է հնարավորություն ընձեռել Թուրքիային ընդլայնելու իր գործո-

ղությունների շրջանակը, այն է՝ թեև լարել միջպետական հարաբերությունների օրակարգը և դրանով իսկ հաստատել իր վերահսկողությունը ՀՀ-ի վրա։ Դայց ինչպես իրավացիորեն նշում է Ռ. Սաֆրաստյանը, 1998 թ. Հայերի ցեղասպանության ճանաչման հարցի բարձրացումը և այդ կապակցությամբ Թուրքիայի շղթագությունները ցույց են տալիս, որ «ոչ համաձայնագրային» հարաբերությունների դեպքում երբեմն ավելի թույլ կողմն էլ կարող է որոշակի առավելության հասնել դիվանագիտական դիմակայության մեջ։

Մեծ հետաքրքրություն են ներկայացնում «Միջքրդական հակամարտությունների պատճառների հարցի շուրջ» խորագիրը կրող հոդվածում ՄՀՈԻ Շաքրոյի դիտարկումները։ Գաղտնիք չէ, որ ներկայումս ընթացող տարածաշրջանային հիմնահարցերի զարգացումների մեջ ՀՀ և Հայ ժողովրդի համար շահագրգիռ հետաքրքրություն է ներկայացնում քրդական ազգային-ազատագրական շարժման և դրա հեռանկարների խնդիրը։ Հեղինակը փորձում է ցույց տալ այդ շարժման մեջ եղած հակասությունների և հակամարտությունների ակունքներն ու շարժառիթները, վերլուծել այն պատճառները, որոնք այժմ ընկած են քրդական բախումային իրադարձությունների հիմքում։ Հեղինակը հիմնավոր կերպով ամենից առաջ ուշադրություն է հրավիրում կրոնական գործոնի վրա, ելնելով այն հիմնադրույթից, որ իսլամը մեծապես քաղաքականացված կրոն է։ Այս պարագային գումարվում է այն իրական հանգամանքը, որ քրդերը իրենց մասնատված Հայրենիքով ընկած լինելով չորս հավատակից պետությունների միջև, մեծապես դժվարունում են գերակայություն տալ ազգային շահերին և դրանով իսկ հաղթահարել կրոնական գործոնի բացասական ազդեցությունը։ Ինչպես ճիշտ նկատում է ՄՀՈԻ

Շաքրոն, գրան գումարվում է մեծ տերութ-
յունների պայքարը Մերձավոր և Միջին
Արևելքում իրենց քաղաքական անբաժան
ազդեցությունը հաստատելու, ինչպես նաև
Քրդստանի մասերի տիրապետող, եր-
բման նույնիսկ թշնամական պետություն-
ների միացյալ հանգես գալը քրդական ազ-
գային-ազատագրական շարժման դեմ:

Բնութագրելով միջքրդական բախում-
ները, Հեղինակը գտնում է, որ դրանք պայ-
մանականորեն կարելի է բաժանել երկու
խմբի՝ ավանդական և ժամանակակից: Ա-
վանդականը՝ հնից ի վեր եկող բախումնա-
յին հարցերի կարգավորումն էր ցեղերի և
ցեղախմբերի միջև բռնի կամ խաղաղ եղա-
նակով, իսկ ժամանակակից՝ դեմոկրատա-
կան և ձախ արմատական կուսակցություն-
ների միջև ընթացող անդիլում հակամար-
տությունն է, ընդ որում ցույց է տրվում
վերջիններիս բացասական դերը, որքանով
որ նրանք սոցիալական խնդիրները վեր են
դասում ազգային հրատապ խնդիրներից:
Հեղինակը դրական է գնահատում իրաք-
յան Քրդստանի ինքնավարության կազմա-
վորումը իբրև ճեղքում ազգային-ազատագ-
րական խնդիրների իրականացման ճանա-
պարհին:

Վերոհիշյալ խնդիրն է առնչվում Վ.
Բայբուրդյանի «20-րդ դարի 20-30-ական
թվականների քրդական ապստամբություն-
ները և թուրք-իրանական հարաբերութ-
յունները» հոդվածը: Մատնանշելով այն
տխուր իրողությունը, որ 1923 թ. Լոզանի
խորհրդաժողովը, ընդառաջելով քեմալա-
կան ազգայնամոլներին, միջազգային հա-
րաբերությունների օրակարգից հանեց Հա-
յաստանի և Քրդստանի հիմնահարցերը, Հե-
ղինակը ցույց է տալիս այն երկակի քաղա-
քական ընթացքը, որ որդեգրեցին թուրք
ազգայնամոլները, այն է՝ խրախուսել մի
կողմից քրդերի պայքարը իրանի և իրաքի
դեմ, իհարկե, հեռագնա նպատակներով,
իսկ մյուս կողմից՝ թուրքական Քրդստա-
նում վարում էին պետական ահաբեկչութ-
յուն, ազգային և սոցիալական ճնշումների
քաղաքականություն, անթաքույց կերպով
առաջնորդվելով «Թուրքիան թուրքերի հա-
մար» ազգայնամոլական կարգախոսով:
Բնականաբար, և՛ երիտթուրքերի և՛ ապա

քեմալականների կողմից չարաչար խաբված
քրդերը ապստամբեցին քեմալական թուր-
քիայի դեմ: Հեղինակը հանգամանորեն լու-
սաբանում է Շեյխ Սայիդի 1925 թ. և Արա-
րատ լեռան շրջանում 1927-1931 թթ. ապս-
տամբությունները, որոնք թուրքիան ճնշեց
մեծ դժվարությամբ: Հոդվածում կարևոր
տեղ է հատկացված «Հոյբուն» («Անկա-
խություն») ռազմաքաղաքական կոմիտեի
գործունեությանը թուրքիայի տարածքում
անկախ Քրդստան ստեղծելու նպատակով,
ինչպես նաև «Հոյբունի» և Հ.Յ. Դաշնակ-
ցության փոխհամաձայնությանը՝ Սևրի
պայմանագրի հիմքի վրա ստեղծելու ան-
կախ Հայաստան և անկախ Քրդստան:

Վ. Բայբուրդյանը քննության է առ-
նում նաև Քեմալ Աթաթուրքի և Ռեզա շահ
Փեհլևի կառավարությունների միջև
կնքված համաձայնությունը՝ քրդական
շարժումների դեմ համատեղ պայքար մղե-
լու մասին: Այդ երկու երկրների քաղաքա-
կան ու ռազմական համագործակցությունը
հնարավոր դարձրեց հիշյալ ժամանակա-
հատվածում ճնշել քրդական ազատագրա-
կան շարժումները:

Ն. Հովհաննիսյանի «Օսմանյան կայս-
րությունում Հայկական հարցի լուծման լի-
բանանյան մոդելը» հոդվածում քննության
է առնվում 1912 թ. Հայկական հարցի վե-
րաբացման կապակցությամբ բանակցութ-
յունների արդյունքում 1914 թ. հունվարի
26-ին ստորագրված ռուս-թուրքական հա-
մաձայնագրի հիմքում ընկած, այսպես կոչ-
ված, «լիբանանյան մոդելը»: Դիտարկելով
Հայկական հարցի զարգացումները մինչև
1914-1918 թթ. Առաջին համաշխարհային
պատերազմը և այդ տարիներին ցեղասպա-
նություն ճանապարհորդ Հայկական հարցի
«թուրքական մոդելով լուծումը», Հեղինա-
կը միանգամայն իրավացի է, երբ փաստա-
կան անառարկելի հիմքի վրա ցույց է տա-
լիս, որ հակառակ թուրքական ստահոդ
պնդումների, հայերը ցանկացել են Հայկա-
կան հարցը լուծել Օսմանյան կայսրության
շրջանակներում: Դրա լավագույն և ծան-
րակշիռ ապացույցն են Հայկական կողմի
միջնորդությամբ Հայկական հարցի վերա-
բացումը և 1914 թ. հունվարի 26-ի համա-
ձայնագիրը: Ն. Հովհաննիսյանը իրավա-

ցիորեն գտնում է, որ գա Հայկական Հարցի լուծման ուղղութիւնում ձեռնարկված ամենալուրջ միջոցառումն էր, որի կենսագործումը ձախողեց Առաջին աշխարհամարտը:

Հատուկ հետաքրքրություն է ներկայացնում Ռ. Ղազանջյանի «Խորհրդաքեմալական Հարաբերությունները 1920 թ. և Հայաստանի խնդիրը մոսկովյան արխիվների գաղտնի փաստաթղթերի լույսի ներքո» ընդարձակ հոդվածը: Հեղինակն օգտագործել է փաստաթղթեր, որոնք այժմ Հնարավոր է դարձել դնել դիտական շրջանառության մեջ և նոր լույս սփռել խորհրդային քեմալական Հարաբերությունների առ այսօր անհայտ մնացած մանրամասների վրա: Հենվելով մասնավորապես Խորհրդային Ռուսաստանի արտգործոց Գ. Վ. Չիչերինի դրուժությունների վրա, Ռ. Ղազանջյանը փորձում է ժխտել, իր իսկ արտահայտություններով, Խորհրդային Ռուսաստանի և քեմալականների միջև «բարեկամության և եղբայրության առասպելը» և նրանց համատեղ Հանդես դալը Անտանտի դաշնակից Հայաստանի դեմ:

Ամենևին կասկածի տակ չառնելով, որ Ռ. Ղազանջյանի շրջանառության մեջ դրած նյութերը բացառիկ կարևորություն ունեն խորհրդային-քեմալական Հարաբերությունների 1920 թ. ժամանակահատվածի ճշմարիտ լուսաբանման համար, ուզում ենք, սակայն, ուշադրություն հրավիրել այն Հանգամանքի վրա, որ ոչ բոլոր խորհրդային գործիչներն էին մտածում և գործում Գ. Վ. Չիչերինի պես, Կովկասում գտնվող խորհրդային գործիչները ոչ միանշանակ էին գործում և ոչ էլ ժամանակին ու ճշգրիտ տեղեկատվություն հաղորդում, առավել ևս, որ նրանցից շատերն ազգութայն վրացիներ էին... Իհարկե, կասկած չկա, որ թուրքական առաջխաղացումը ձեռնտու էր Խորհրդային Ռուսաստանին, բայց և չմոռանանք, որ վերջինս էր, որ Հայաստանի վզին փաթաթեց Մոսկվայի և Կարսի 1921 թ. պայմանագրերը:

Արդի Թուրքիայի քաղաքական և Հասարակական զարգացումներն ըմբռնելու տեսանկյունից մեծ հետաքրքրություն է ներկայացնում Ս. Բաղդասարյանի «Բանակի դերը 1960-90-ական թվականների

Թուրքիայի նորացման գործընթացում» հոդվածը: Նախքան բուն հոդվածին անցնելը, վերնագրում «նորացում» տերմինի կապակցությամբ ուզում ենք նշել, որ կան տերմիններ, որոնք հարկ չկա թարգմանել և որոշ առումով բովանդակազրկել: Մեր կարծիքով «մոդեռնիզացիան» սոսկ «նորացում» չէ, քանզի առաջինն իր մեջ պարունակում է երանգներ, որոնք «նորացումը» չունի: Ասենք նաև, որ հոդվածը ուսերեն լեզվով է և տերմինը ճիշտ է օգտագործված, խոսքն այստեղ բովանդակության հայերեն տեքստի մասին է: Ի միջի այլոց, նույն հոդվածի վերնագիրը բովանդակության ուսերեն տեքստում աղավաղված է, փոխանակ "Роль армии..." տպագրված է "Роль Армении...": Հոդվածում ցույց է տրվում, որ 1960-1990-ական թվականների մոդեռնացումը կոչված էր նոր բովանդակություն հաղորդելու թուրքական պետությանն ու քաղաքական համակարգին՝ դեմոկրատական և իրավական պետության գաղափարներով, որը, սակայն, ձևական բնույթ էր կրում: Եվ դա ինքնըստիսքյան հասկանալի է, քանզի դեմոկրատիայի և քաղաքացիական հասարակության սկզբունքները հուշակած թուրքական Հանրապետությունը, ըստ էության, չունի դեմոկրատական գծեր և կառավարող ընտրախափն ինքը չի հետևում ամենևին «խաղի կանոններին», որն, անշուշտ, առաջին հերթին ձեռնտու է զինվորականությանը, ավելի ճիշտ՝ բանակի վերնախավին, որը սրբություն պահպանում է և օգտագործում դեռևս Քեմալ Աթաթուրքի ժամանակ հաստատված «թաբուների» համակարգը, որոնցից կարևորագույններն են մշակութային և էթնիկական բազմազանության մերժումը և խզումը իսլամական ժառանգության հետ: Եվ որքանով որ զինվորականությունը դիտվում է իբրև «թաբուներ» պահապան, ուստի բանակի գերը թուրքական պետության և հասարակության կյանքում որևէ քննարկման և վերանայման ենթակա չէ: Մոդեռնացման շրջանակների ընդլայնման ամեն մի փորձ, հիշյալ թվականներին, Հանդիպել է բանակի խստիվ միջամտությանը քաղաքական կյանքին: Հեղինակն իրավացիորեն նկատում է և հիմնավորում, որ մոդեռնացումը,

որը, բնականաբար, ենթադրում է քաղաքացիական իրավունքների, դեմոկրատիայի ընդլայնում, ուրբանացում և տնտեսության շուկայականացում, 1970-ական թվականների վերջերին Հանգեցրեց սոցիալ-քաղաքական ձախողման, ծայրահեղականության ու քաղաքական ահաբեկչության, ձախ ու աջ ծայրահեղականների բախումների ու փողոցային կռիվների, որը վկայությունն էր քաղաքական ուժերի անընդունակության առաջնորդվելու երկրի շահերով, ուստի կրկին թատերաբեմ իջավ բանակը և 1982 թ. Սահմանադրությամբ ստեղծվեց մի սահմանափակ և բանակի հոգաբարձության տակ գտնվող վարչակարգ, որտեղ կան ազատ ընտրություններ, բազմակուսակցական համակարգ, պառլամենտ, մամուլ, բայց իրական իշխանությունը քաղաքացիական, դեմոկրատական վերահսկողության տակ չէ: Հեղինակն իրավացիորեն մատնանշում է, որ Թուրքիայում պետության միասնությունը առանց զինվորականության, լուրջ սպառնալիքի տակ կլինի, բայց և այժմ Թուրքիան գտնվում է խաչմերուկում, որտեղ դժվարին ընտրություն պետք է կատարի իր ներկա ինքնության և XXI դ. զարգացման ուղիների միջև:

Ռ. Կարապետյանի և Ա. Հովհաննիսյանի հոդվածները նվիրված են Իսրայելի և Պաղեստինի տարածաշրջանում ընթացող զարգացումներին: Ռ. Կարապետյանի «Պայքարի նոր փուլ Պաղեստինի համար» հոդվածում քննարկվում են Իսրայել-Պաղեստինի ինքնավարություն փոխհարաբերություններին առնչվող խնդիրները, որոնք արդեն ավելի քան կես դար այնպիսի են հիշյալ տարածաշրջանը: Ելնելով Ա.Շարոնի կառավարության անգիջում քաղաքական կեցվածքից, հեղինակը, մեր կարծիքով իրավացիորեն, գտնում է, որ կայուն խաղաղության հաստատման նախաձեռնություն բնավ չի գա Իսրայելից և որ անհրաժեշտ է միջազգային հասարակայնության հաստատուն միջամտությունը, որը միայն կարող կլինի, հեղինակի խոսքերով «փրկել Պաղեստինն ու նրա մարտնչող ժողովուրդը «ներկաթե» պատով ջախջախվելու դաժան հեռանկարից» (էջ 48):

Ա. Հովհաննիսյանի «Երուսաղեմի կարգավիճակի հարցը ՄԱԿ-ում» հոդվածը նվիրված է առայսօր էլ Իսրայելի և նրա արաբական հարևանների և հատկապես Պաղեստինի հետ հարաբերություններում կռվախնձոր հանդիսացող Երուսաղեմի կարգավիճակի հարցին: Համառոտակի անդրադառնալով Երուսաղեմի կարգավիճակի շուրջ զարգացումներին, մասնավորապես ՄԱԿ-ի բանաձևերով Երուսաղեմն իբրև «անջատ մարմին» (*corpus separatum*) ճանաչելուն, հեղինակը խոսում է 1980 թ. Հուլիսի 30-ին Իսրայելի Կնեսետի կողմից Երուսաղեմը Իսրայելի մայրաքաղաք հռչակելու մասին, որից հետո անդրադառնում է 2000 թ. Հուլիսի 11-24-ին Քեմֆ Դեյվիդում ընթացած Իսրայել-պաղեստինյան բանակցություններին, որոնք ավարտվեցին անարդյունավետ քաղաքի բաժանման փորձը ձախողվեց: Այժմ ստեղծվել է մի իրավիճակ, երբ քաղաքը փաստորեն գտնվում է Իսրայելի վերահսկողության տակ, պաղեստինցի արաբները շարունակում են Արևելյան Երուսաղեմը համարել իրենց մայրաքաղաք, իսկ ՄԱԿ-ի բանաձևերը քաղաքին տրամադրել են միջազգային կարգավիճակ: Նման հակասական իրադրություն մեջ հեղինակը կարծում է, որ տվյալ հիմնախնդրում թերևս լավագույն տարբերակ կարող է լինել ԱՄՆ-ի նախկին նախագահ Բիլլ Կլինթոնի 2000 թ. դեկտեմբերի 24-ին առաջարկած նախագիծը, ըստ որի Արևելյան Երուսաղեմը բաժանվելու է երեք մասի՝ մուսուլմանական, հայկական կամ քրիստոնեական և հրեական: Այս վերջին երկուսը մնալու էին Իսրայելին, ներառյալ և Արևմտյան պատը:

Ա. Ստամբուլցյանի «Իրանի նկատմամբ Միացյալ Նահանգների քաղաքականությունը Մեհդի Բազարգանի կառավարման շրջանում» հոդվածն ընդգրկում է 1979 թ. փետրվարի 1-ից նոյեմբերի 6-ն ընկած ժամանակաշրջանի իրանա-ամերիկյան հարաբերությունների պատմությունը: Հեղինակը ներկայացնում է ԱՄՆ-ի ճիգերն իր նախկին դիրքերը և ազդեցությունը իրանում պահելու և բուրբ ալյ կարևոր գործոնները, որոնք հանգեցրին ԱՄՆ-ի շարունակական ջանքերի ձախողմանը, նոյեմբերի 4-ին ա-

մերիկյան դեսպանատունը Թեհրանում պատանդ վերցնելուն և երկու օր անց Մեհրի Բազարգանի հրաժարականին ու ԱՄՆ-ի Հետ հաշտության եզրեր գտնելու նրա կառավարության քաղաքականության վախճանին:

Նշանակալի թվով հոգևածներ անմիջականորեն առնչվում են հայոց պատմության հիմնահարցերի: Կիլիկյան Հայաստանում պետության և եկեղեցու փոխհարաբերություններին է նվիրված Ա. Բոգոյանի հոգևածը «Պետության և կաթողիկոսարանի փոխհարաբերությունները Կիլիկյան Հայաստանում (Նախամոնղոլական շրջան)» խորագրով: Հարցն ինքնըստինքյան գիտական մեծ կարևորություն ունի, եթե նկատի ունենանք, որ քննարկվող ժամանակաշրջանում հայոց կաթողիկոսարանը գտնվում էր Հալեպի աթաբեկության սահմաններում Հռոմկալում, բայց գործուն մասնակցություն էր բերում հարևան հայկական իշխանություններին քաղաքական և հոգևոր-մշակութային կյանքին: Բնական է միանգամայն, որ Կիլիկիայի հայոց պետականության ամրապնդմամբ և բարձրացմամբ այդ համազգային հաստատությունը պետք է գրավեր կիլիկյան Հայ տիրակալների ուշադրությունը, մասնավորապես այնպիսի մի կենսական հարցի լուծման ուղղությամբ, որպիսին է Մեծ Հայքում հայկական պետականության վերականգնումը և Կիլիկիայի Հետ միասին ընդհանուր թագավորության ստեղծումը: Բայց չի կարելի համաձայնել հեղինակի այն անհիմն պնդման հետ, որ «պետության և եկեղեցու փոխհարաբերությունները երբեք մասնագիտորեն չեն հետազոտվել հայ պատմագրության կողմից» (էջ 169): Մի՞թե կարելի է նման բան պնդել, երբ Հրապարակի վրա կա Մաղաքիա արքեպ. Օրմանյանի նշանավոր «Ազգապատումը», որտեղ ամենայն մանրամասնությամբ սկզբից մինչև վերջ քննարկվում է նաև Հիշյալ «մասնագիտորեն չհետազոտված» հարցը: Այնուհետև, ժամանակի կոնկրետ քաղաքական խնդիրներին լուծումը և դրա Հետ կապված դավանական բնույթի որոշ զիջումների գնալու քաղաքական խնդիրը Ա. Բոգոյանը ընդհանրացնում է և համարում, որ «Լևոն Ա. Ռուբին-

յանի իշխանապետության և ապա թագավորության տարիներին, Կիլիկիայի հայկական պետությունը փորձեց կաթողիկոսարանին պարտազրել իր իշխանությունը: Այդ պայքարը բավական երկար տևեց, ունենալով հաճախ սուր դրսևորումներ» (էջ 173): Հեղինակի կարծիքով այդ պայքարի առաջին զոհ պետք է համարել Գրիգոր Դ. Տղային: Կարծում ենք, որ նման պատասխանատու եզրակացության հիմքեր չեն տալիս ոչ Ա. Բոգոյանի վկայակոչած հեղինակները և ոչ էլ Գրիգոր Դ. Տղայի և իշխանապետ Լևոն II-ի հարաբերությունները, մասնավորապես որ կաթողիկոսը ամեն կերպ սատարում էր Լևոն II-ի քաղաքական ընթացքին: Թերևս բացառությամբ Գրիգոր Ե. Քարավեժի խորհրդավոր մահվան հանգամանքների, Ա. Բոգոյանի բերած վկայությունները՝ ապացուցելու իր վերոհիշյալ դրույթը, հիմնավորված չեն: Հովհաննես Զ. Սեցու և Լևոն II-ի բախումը զուտ անձնական հողի վրա է եղել և նման պայքարի ոչ մի հետք չկա: Ինչ վերաբերում է Ա. Բոգոյանի կողմից արված առաջարկին, թագավոր դառնալուց հետո Լևոն II-ին Լևոն I կոչել, գտնում ենք անհիմն, որովհետև դրանով կհակասենք Լևոն անունը կրող իշխանների և թագավորների արդեն ընդունված ավանդական դարձած համարակալումը և չփոթությունների մեծ դուռ կբացենք: Էջ 171-ում հեղինակն օգտագործում է հետևյալ բառակապակցությունը՝ «Ամենայն Հայոց կաթողիկոսարանը Կարմիր վանքում», որ ժամանակավրեպ է և սխալ, որովհետև այդ ժամանակ դեռ չկար «Ամենայն Հայոց կաթողիկոսություն»: Առավել ևս սխալ է «Ամենայն Հայոց կաթողիկոսարան» արտահայտությունը կամ տերմինը:

Անշուշտ, գիտական մեծ կարևորություն է ներկայացնում վաստակաշատ ուրարտագետ Ն. Հարությունյանի «Նոր ընթացքներ և մեկնաբանություններ Այսինիս նորահայտ ուրարտական սեպագրում» հոդվածը, որում հեղինակը ստուգաբանում է *anō* բառեր՝ *iserhini*, *sinini* և *sisini*: Ն. Հարությունյանն առաջարկում է այդ բառերը համապատասխանաբար ընթերցել՝ «բնակելի դարձրեց», «այն ժամանակ» և «Հիշյալ»: Համադրելով ուրարտական տար-

բեր արձանագրություններ, ն. Հարութ-յունյանը համոզիչ կերպով հիմնավորում է իր մեկնարանությունները:

Հին պատմության հիմնահարցերին է վերաբերում Ա. Քոսյանի «Իսուվայի կրոնական կենտրոնները խեթական դարաշրջանում» հոդվածը, որը վերաբերում է իսթական պետության մայրաքաղաք իսթաթուսասի պեղումների ընթացքում հայտնաբերված ծիսապաշտամունքային բնույթի երկու տեքստերի, որոնք, ինչպես հեղինակն է հավաստում, «առաջին անգամ են հրապարակվում գիտական տառադարձամբ և թարգմանաբար» (էջ 315): Տեքստերում հիշատակված են Իսուվայի (հետագայի Ծոփքի) Վատարունան և Սուլլամա քաղաքները, որոնք, ըստ խեթական արձանագրությունների, եղել են տարածաշրջանի աչքի ընկնող կրոնական կենտրոններ, որտեղ պաշտվել են Վատարունայի աստվածը և Սուլլամայի ամպրոպի աստվածը: Հոդվածում կարևորվում է Իսուվայի գերը և դիրքը իսթական տերություն համակարգում:

Ա. Մովսիսյանը հանդես է եկել «Օտարների կողմից նախամաշտոցյան Հայաստանում թողնված գրավոր հուշարձանները և դրանց պատմական նշանակությունը» հոդվածով: Հեղինակը ներկայացնում և քննության է առնում Հայաստանի տարածքում հայտնաբերված, սակայն օտարների կողմից ստեղծված բնագրերը: Գովելի է, որ հեղինակը փորձ է անում համակարգել օտարագիր և օտարների կողմից թողնված արձանագրությունները զանազան իրերի և հուշարձանների վրա: Հայաստանում հայտնաբերվել են նման արձանագրություններ և մակագրություններ աքքադերեն, խուսիերեն, հին, միջին և նոր ասորեստանյան, հին և միջին բաբելոնյան, պարսկական (աքեմենյան), էլամական բեռագրերով, եգիպտոսյան մեհենագրերով, ինչպես նաև ավելի ուշ ժամանակներում հունարեն և լատիներեն: Կարևոր է այն, որ հեղինակը միաժամանակ փորձ է կատարում արժեքները դրանք:

Ե. Գրեկյանի հոդվածը՝ «Ուաուլի ճակատամարտը (պատմահամեմատական վերլուծություն)», նվիրված է, ինչպես վկայում է վերնադիրը, Սարգոն II-ի գահակա-

լության ութերորդ տարվա (մ.թ.ա. 714 թ.) արշավանքին, որի գլխավոր ճակատամարտը կայացավ Ուաուլում: Հեղինակն այն տեսակետն է հիմնավորում, որ այստեղ, հակառակ տարածված կարծիքի, ճակատային բախում տեղի չի ունեցել, Սարգոնը կարողացել է թափանցել Ռուսա II-ի բանակի թիկունքը և հարվածել թիկունքից: Հեղինակը ընդհանրություններ է տեսնում մ.թ.ա. 69 թ. հոկտեմբերի 6-ի Տիգրանակերտի ճակատամարտի և Ուաուլի ճակատամարտի միջև: Հեղինակը դրսևորում է խորաթափանցություն և դրված հիմնահարցի տրամաբանական լուծման կարողություն:

Ք. Կոստիկյանը հանդես է եկել «Կաթոլիկական քարոզչությունը Իրանում և Հայ իրականությունը» կարևոր հոդվածով, որտեղ տարալեզու աղբյուրների և գրականության լայն օգտագործումով բացահայտում է կաթոլիկական քարոզչության դեմ իրանահայության մղած համառ և հետևողական պայքարը: Հոդվածի արժեքը մեծապես բարձրացնում է այն պարագան, որ հոդվածում բերված են շահ Սուլթան Հուսեյնի 1710 և 1712 թթ. հրովարտականքի պարսկերեն բնագրերն ու դրանց թարգմանությունը: Ուրախալի է, որ Հայ արևելագիտության ասպարեզ մուտք է գործել օժտված մի գիտնական:

Ինչ վերաբերում է որոշակի ժամանակներում Սեֆյան շահերի կողմից կաթոլիկներին հովանավորելու խնդրին, այս դա իրավացիորեն բացատրվում է շահական կառավարության արտաքին քաղաքական շահագրգռություններով: Բայց, տարօրինակ կերպով, Կոստիկյանը զանց է առել ժամանակակից և այնպիսի ճշտասլատում մի հեղինակի, որպիսին է Առաքել Դավրիժեցին: Ք. Կոստիկյանը գրում է. «Կաթոլիկ միսիոներների դրդամբ և Հայ եկեղեցին Հռոմին ենթարկելու նպատակով՝ նա անդամ (Շահ Աբասը – Վ. Դ.) էջմիածնի վանքը քանդելու ու նրա քարերով Սպահանում նոր կաթոլիկական եկեղեցի կառուցելու հրաման է արձակում, որը բարեբախտաբար չի իրագործվում» (էջ 202): Ա. Դավրիժեցին իր «Պատմության» ժիզգիլում՝ «Թե ինչպես կամ ինչ պատճառով Սպահան քաղաք տարան մեր լուսավորիչ Ս. Գրիգորի աչքը և

սուրբ աթոռ էջմիածնի քարերը»։ բոլորովին այլ և միանգամայն բանական բացատրություն է տալիս այդ կետին, այն է՝ Հայերին կապել իրենց նոր «Հայրենիք» Պարսկաստանի Հետ և ոչ թե Հայերին կաթողի դարձնել։ Հնարավոր է՛ր, որ Ա. Դավրիժեցին չիմանար իրադարձությունների իսկական շարժառիթը կամ միտումնավոր լուռության մատներ այն։ Եվ վերջին հաշվով ժամանակի ընթացքում Հայերին մահմեդականացնել ձգտող Շահ Աբբաս I ինչու՞ պետք է նրանց կաթողիկացներ, Հռոմի իրավասության տակ դնելով և դրանով իր գործը բարդացնեն։ Կրկնում ենք, Ս. Էջմիածնի տեղափոխության խնդիրը Հայերին Պարսկաստանի Հետ կապելու միջոց էր և ուրիշ ոչինչ։ Հողվածում կան նաև որոշ փաստական անճշտություններ։ Խոսվում է, օրինակ, «Ձրանսիայի կայսրի» (էջ 202) և «Լյուդովիկոս XIV կայսրի» (էջ 204) մասին, մինչդեռ ճիշտը «Թագավոր» տերմինի օգտագործումն է։

Բավական ընդարձակ և փաստական չափերին նյութով ու գիտական մեծ արժեք ներկայացնող ծանոթագրություններով հագեցած Հողված է տպագրել Պ. Չոբանյանը՝ «Հայ-վրացական Հարաբերությունները XVIII դարի երկրորդ կեսին և Հայ քաղաքական միտքը» խորագրով։ Պ. Չոբանյանի ամենակարևոր ձեռքբերումներից է Սիմեոն Երևանցի կաթողիկոսի Հասարակական-քաղաքական գործունեության դնահատակալի հարցում Հիմնավորված մոտեցումը, որպես ազգային-ազատագրական շարժման խոհմ և եզակի մի գործչի։ Սակայն Հեղինակի մոտ Հանդիպում են նաև առարկություն Հարուցող դրույթներ։ Այսպես, Հակոբ Ե Շամախեցի կաթողիկոսի Ելիզավետա Պետրովնա կայսրուհուն հղած 1760 թ. հունիսի 16-ի դրությունից բերված քաղվածքն աղավաղված է։ Պ. Չոբանյանը գրում է. «Ուշագրավ վստիբրագիր է Հակոբ Շամախեցի կաթողիկոսի նամակը Ելիզավետա Թագուհուն՝ Թեյմուրազ երկրորդի խնդիրներին ընդառաջելու միջնորդությամբ, քանզի, ինչպես կաթողիկոսն է արձանագրում «նախ աստուծոյ և ապա իրցա պահպանութեամբ կամ այժմ» (էջ 279, ընդդ. մերն է – Վ. Դ.)։ Իրականում Հակոբ Շամախեցին

Հետևյալն է գրում. քաղվածքը բերում ենք ավելի ընդարձակ, որպեսզի ճշմարտությունը պարզ լինի. Թեյմուրազը և Հերակլը «...անհանգիստ մարմնով զցայգ և զցերեկ ընդդիմացան և ընդդիմանան ևս լեզվեաց և յաղթեցին ևս բազում անգամ, սակայն ոչ կարացին զոտս նոցա խափանել իսպառ ի գալոյ յերկիրն իւրեանց և այժմ ևս որդի դորին միշտ է ի մրցմունս այնց հաւատոյ հակառակ թշնամեացն և մնացեալ քրիստոնեայք թէ Հայք և թէ վիրք և թէ այլազգիք ևս. զի զնոսա ևս գերեն, նախ աստուծոյ և ապա իրցա պահպանութեամբ կան այժմ...» (ընդդ. մերն է – Վ. Դ.) (Армяно-русские отношения, в XVIII в., сб. док., IV, Е., 1990, с. 21)։ Միայն մեկ տառի վրիպակ, բայց բոլորովին այլ բովանդակություն, այլ պատկեր...։ Ինչպես տեսնում ենք, իսկական տեքստը ազատում է Ամենայն Հայոց կաթողիկոսությունը վրաց արքունիքի պաշտպանությունից։ Հեղինակն առաջնորդվում է սուլյն Հողվածում այն ելակետով, որ «Հայ քաղաքական միտքը Հայոց ազատագրական ծրագրերում մշտապես կարևոր տեղ է հատկացրել Վրաստանին և Հայ-վրացական Հարաբերություններին» (էջ 277)։ Ի նկատի ունենալով Նադիր Շահի սպանությունից Հետո ստեղծված քաղաքական նոր իրավիճակները Պարսկաստանում, Պ. Չոբանյանը գրում է. «Ստեղծված նոր պայմաններում ևս Հայ քաղաքական միտքը մեկնորոգ գործիչները շարունակում էին Հայ-վրացական Հարաբերությունները ընկալել ավանդական ձևով՝ Վրաստանի հզորացումը երաշխիք համարելով Հայաստանի ազատագրության համար և ոչ միայն համաձայնել, այլև անգամ փրկություն համարել Հայաստանը վրաց թագավորության կալմի մեջ տեսնելը՝ այն պատկերացրելով, սակայն որպես Հայ-վրացական միասնական պետություն։ Այդ տեսակետը, որ միանվամայն համահունչ էր վրաց իշխանությունների շահերին ու հավակնություններին՝ տարածելու իրենց ազդեցությունը Հայոց նկատմամբ և ձեռնտու էր Հայոց օժանդակությունը ստանալու առումով, նպաստավոր ձևով օգտագործվում էր վրաց պետության կողմից իր ներքին ու արտաքին քաղաքականության

ձեավորման ժամանակ» (էջ 279): Այստեղ նշենք, որ Հայ-վրացական միացյալ քրիստոնեական թագավորություն ստեղծելու դադափարը պատկանում էր ռուսական կառավարությանը և ծնունդ էր առել դեռևս Պետրոս I-ի ժամանակներում, այնպես որ, կարծում ենք, ճիշտ չէ այն «ավանդական» համարել: Կարծում ենք չափազանցված է Վրաստանի դեբրը Այսրկովկասում, ինչու և իրականությունից հեռու ենք համարում հետևյալ տողերը՝ «Հայ-վրացական միացյալ թագավորության ստեղծման գաղափարը, այսպիսով, կարող էր իրատեսական հա-

մարվել մինչև 1770-ական թվականների վերջը, երբ Այսրկովկասում դեռևս ոչ մի այլ սլեաություն փոխարինելու չէր եկել Վրաստանին» (էջ 290, ընդգծ. մերն է - Վ. Դ.):

Քննարկվող հատորում հետաքրքիր հոդվածներ ունեն նաև Ազատ Համարյանը, Մաքսիմ Խամոյանը, Մարգարիտա Խաչիկյանը, Կառլեն Չաչանյանը, Աշոտ Սափանյանը, Սամվել Մուրադյանը, Անուշ Հովհաննիսյանը, Կարինե Սամվելյանը, Արթուր Մաթևոսյանը, Կարինե Ավետյանը և Ներսես Մկրտչյանը:

ՎԱԼՏԵՐ ԴԻԼՈՅԱՆ